



22234

III Mag. St. Dr. P

Episcopus Rygiensis

*Plumieri franc. Hieron. Architecta gloria et hono-
ris aucta.*

PANEG. et VITAE

Polon. Fol.

Nº 1441.

ARCHITECTA

GLORIÆ & HONORIS

A S C I A.

D V M

ILLUSTRISSIMUS, EXCELLENTISSIMUS,
& REVERENDISSIMUS DOMINUS,

D. JOANNES
TARŁO,

Comes in Czekārzwice,

DEI, & S. Sedis Apostolicæ Gratiâ
EPISCOPUS KŁOVIENSIS.

IN ECCLESIA ARCHIPRESBYTERALI
Beatæ MARIÆ Virginis in Circulo Cracov.

Assistente celeberrimo concursu,
solenni ritu consecraretur:

A

M. FRANCISCO HIERONYMO PLUCINSKI,

*In Alma Universitate Cracoviensi, Philosophiæ Doctore, Collega Majore,
Regio & Cursus Vladisławiani Philosophici Professore, Ecclesiarum,
Cathedr. Kijoviensis Canonicus, Collegiata Crac. S. ANNÆ Archidiacono,
in eadem Collegiata Festorum Salvatoris & B. M. Virginis
Ordinario Concionatore, Parochialis in Łetkowie Curato.*

è Voto Almæ Universitatis Cracoviensis

Venerabundo Cultu

CELEBRATA.

Anno Authoris Salutis Humanæ, 1719. Die 23. Mensis Aprilis.

985

CRACOVIA,

Typis Francisci Cezary, S. R. M. Illustrissimi & Rndissimi Domini Episcopi Crac. Ducis Severiæ; necnon Scholarum Novodvorscianarum Ordinarij Chalcographi.

In Gentilitium Insigne Illustrissimi
Excellentissimi, & Reverendissimi Dñi.



I.

*Splendida TARLONVM, fulgens candore BIPENNIS,
Candorem Patriæ, signat inesse Viris.*

II.

*Celsa Domus, gestas erectam quando SECVRIM
Communi prostras, invigilasq; bono.*

III.

*Exporrectam Aciem presentans ASCIA stricta,
Intentat Patrijs, hostibus interitum.*

PANEGYRICUS.



AD sonum magnifica admirandaq; simul architectantis *Asciæ Tuæ* opera, ut attentissima pariterq; Venerabunda assurgit Polonia; ita, quæ ad Sacra Divæ Fidei dogmata, suas tota non erigit aures, adhuc omnibus non purgata erroribus Kijovia, an ingentis splendoris, in sua truculentia recreata serenitate, plaudere; an armorum majestate perterrita, ad sui Antistitis, qui non minùs Armis Patrijs, quàm Pietate munitus, illa in Cathedra, Senatorioq; subsellio collocaris, Pedum pedesq; procumbere debeat? ipsa secum meditatatur. *Præsul Illustrissime.* Habet Gens illa Rutheno-Schismatica quid sibi gratuletur, & quid timeat, habet ô Magne *Præsul!* gratulari equidem Te, tantum sibi debet Pontificem, pium videlicet, justum, sapientem, gravitate morum, ac summarum dotum multo apparatu conspicuum, sed & quid timendum sit illi; sentit, advertit. Quoties mercurule, placida lux exoritur, res quidem universæ gaudent, & veluti spiritu quodam animatæ vigorem assumunt, sed tenebræ intereunt, ferreq; non valentes splendorem, passu insensibili ad nihilum properant. Lucem Armorum Tuorum fulgentissimam, nox illa Schismatis atra reveretur, quandoquidem *Antistes Pijssime*, hoc singulare menti Tuæ altissimæ hæret, quomodo errorum infames um-

A

bras

bras dispellere, & Orthodoxæ Fidei salutare fere-
num, cunctis mundi partibus invehere. Ideò de
Tuo Capite primis quidem digno Infulis, cogita-
vit Summum Ecclesiæ Caput CLEMENS XI,
quomodo illud, unà cum meritis, quæ Diæcesim
Cracoviensem implent, per Poloniam extendun-
tur, Romam attingunt, coronare; & cùm nil Te
dignius, præter Tiaras Pontificias viderit, hoc
itaq; Coronamentum, Sacro Vertici Tuo imponi
voluit. Meruisti nempè Virtute Tuâ, quâ, mereri
pulchriùs quàm habere honores, censes, ut vel in
Latio Te Polonum Patritium Sacri Albani colles
ad altiora honorum attollerent. Perspecta est in-
victa animi Tui fortitudo & Inviçtissimo AVGV-
STO II. Poloniarum Regi fortunatissimo, qui pa-
rem Te tanto muneri Atlantem videns, Cathedræ
huic optimum providit Antistitem. Serenissimi
hujus Principis pro defensione Fidei & Patriæ di-
stricti mucrones, noverunt TARLOVIANAM
Asciam, Aris & Curulibus, acumine suo profutu-
ram! quare & Aris Divorum, & Regni Curulibus,
eandem præficiunt. Nec immeritò: ut enim nul-
lam unquam admittit illa rubiginem, sed toti Sar-
matico Orbi splendidissima nitet; ita quoq; hono-
rum insigne decus, si quam illi tribuit venustatem,
recipit ab illa refertq;. Accipit Te *Præsule*, novam
Majestatis faciem Kijoviensis Cathedra, quam ca-
su fatalis sortis per sublatum è vivis *Illustrissimum &*
Rñdissimum olim MATHIAM de Hertzberge ARCEM-
BERSKI Antecessorem Tuum amiserat. Ever-
sa mortalitatis violentiâ Diæcesis illius Fortuna, quâ-
tacunq; in Gentilitio *Abaco* defuncti Præsulis cre-
sce-

scere cæperat, per Architectam laudabilium operum
Tuorum *Asciam* assurgit in altum serenata: lugubri
squallore tecta, ex amisso partim Sponso Antistite
Ecclesia illa, partim ex circumstantibus & illuden-
tibus ei perfidis agminibus erat: Tu Sacris Ponti-
ficijs ornatus paludamentis, risum fecisti ei ô *Præ-
sul!* ut in mille gaudia & plausus resolvi videatur.
Et quidni plaudere debeat? lætamq; circumferre
faciem, ad solennem Tui in *Sacrum Antistitem* inau-
gurationem? quandoquidem ipsa favent Altra,
temporumq; cursus, amœniori revolutione faustis-
simæ Consecrationi Tuæ famulantur. Fulgor
nempe *Asciæ* Vestræ, ubi inclaruerit, gratiores dies,
serie ad hilaritatem composita redeunt, Solq; ipse
pulsis novercantis brumæ nubibus, melius nitere
videtur. Ita *Præsul Illustrissime*. Suprema DEI Vo-
luntas designat, approbatq; Summa in terris Pote-
stas, & Augusta Regni Majestas annuit, tempora
non impediunt, populi plaudunt, Patria gaudet,
Proceres vota fundunt, quando Tu Pontificia co-
ronaris Tiarâ, Pastoralis armaris Pedito, & Sacris
tegeris velaminibus. Quomodo in hanc Gloriæ
Tuæ amplitudinem, stylô & calamô quantumvis
tenuibus non excurrere? quomodo in publica hac
læticia, quâ cuncti exuberant, literarios comprime-
re plausus? Virtutum Tuarum & præclarè gesto-
rum auges, omnium oculos, ora, vota, plausus, ani-
mos in se convertens & alliciens, exigit; ut etiam
debilior scribendi vis, aut dicendi inops facultas,
impares tantæ moli intendat vires, apparatusq;
verborum, quibus dignè magnitudinem Tui No-
minis enarrare valeat, vel primis Eloquentiæ Pa-

rentibus eripiat. At parces ô *Antistes* vectigali sty-
lo, indulgebis obstricto Tuæ *Illustrissimæ Domui* cala-
mo, quod si audacter magis, quàm dignè honoris
& Gloriæ Tuæ Celsitudinem circumscribere am-
bit. *Ascia* Tua Gentilitia, Gloriæ & Honoris Ar-
chitecta est, quàm officiosus dum vult depingere
calamus, hæret attonitus, & ubi se ad splendorem
immensum *Generis Tui* vult erigere, succumbit im-
bellis, ac pondere depressus tantæ Gloriæ, cadere
in Tui Venerationem mallet, quàm tentare quid-
quam in vim laudum Tuarum exarandum. Nec
vanus timor levem quamvis pēnam invadit. TAR-
LONVM quippe Familiam paginâ comprehen-
dere, est Vniversæ Poloniæ Familias paginâ com-
prehendere: quod seculorum & millenorum vo-
luminum labor est. Qui TARLONVM Do-
mum ignorat, Poloniam noscat, aut qui non novit
Poloniam, Domum TARLONVM intelligat, &
sic in una Domo, totum Regnum, aut in toto Re-
gno unam Domum venerari licet. Attamen pa-
tiare partem minimam Cathedræ Tuæ, Tibi obli-
gatum, quia Tuæ Ecclesiæ Canonicum, Archite-
ctam Honoris & Gloriæ *Asciam* Tuam, voto & no-
mine Almæ Regni Scholæ, sine affectata facundiæ
ostentatione venerari; & si Te minùs digna con-
tinget Panegyris, Tuæ haud quidquam derogabi-
tur magnitudini.

Nomen immortalitati intactè servandum cun-
ctis in animo fixum perēnitate famæ, apud non inter-
ruptam seculorum seriem gaudere, etsi in id totos
conatus impendebant, plurimis denegatum, solo
quanquam Herculeo labore & curis ingentibus, vi-
vam

vam gestorum suorum seriæ posteritati efformare
speciem, paucis concessum est; id solum memo-
randorum inimicam oblivionem effugit, quidquid
Virtus in altum extulit. Stupenda Vetustatis ope-
ra, in quibus ars & Natura videbantur contendere,
Pyramides, peralta mole spectabiles Colossi, tri-
umphales Arcus, & jam sine spectatore, Orbis mi-
racula, caput Cælo dum inferunt, tempori cedunt,
in spoliū, & absumptis immensis sumptibus, quam
amiserunt pompam, celant in ruderibus. Prodi-
giosa sumptu, auro gravis Neronis domus, artifici-
oso alluitur mari, Sylvas inanimatis pecudibus ple-
nas circumspicit, argenteis quasi secantes
âera pennis, volucres ad nidum aut escam allicit:
insuper Principis Planetæ ipso non contenta me-
ridie diem mentitur perpetuum: at favente hac si-
bi fictitia luce, quomodo in profundas oblivionis
& ruinæ pervenerit, non advertit. Vrbs Theba-
na, quæ centum jacet obruta portis, nil præter
conjecturam miræ amplitudinis, reliquit Vniuersæ
posteritati. Ilij superba Pergama, propter solam
magnificentiam, Dijs adscripta Authoribus, nec fa-
villam superstitem, in suæ claritudinis testimoni-
um, etiam transactis præsentavêre seculis. Tumul-
tuoso strepitu concutiunt terras Philippi, ut nomi-
nis claritudo, vel cum terrore populorum everbe-
ret aures. Captiva multorum colla gentium du-
cunt Magni in triumphum *Alexandri*, ut sic in alios
etiam (si dantur) Orbes traducatur victrix gloria!
quasi gloriosum sit; ab ore quoq; mancipiorum,
Victorem exercituum, Domitorem Orbis inaudiri.
Educunt centena millia contra infensas Græcorum

acies, coronati Principum Persarum, invia rupium
acetô emolliunt, emollita dividunt, sicq; inundati-
onem classibus, tempestatem velis ipsi faciunt :
istarum tamen viam navium, in mari hoc nemo
reperiet, quamvis victricium. Tantum desudatur
à multis, circa honoris fabricam, tantum curarum
laborisq; impenditur, in acquirenda gloria, quæ
plerùmq; non vera, tam ingenti sollicitudine ap-
prehenditur. At Tu *Præsul Illustrissime*, excessisti ho-
rum omnium Nomina, Virtute Tua: nimio vilia
sunt illa, Piorum, Magnorum, Maximorum, Feli-
cium, Optimorum & Patrum Patriæ Vocabula, ubi
gesta illorū, quibus ista dabantur, cum Tuis Virtuti-
bus cōparaveris: deniq; nulli honores humani, aut
tam magni, qui infra Te sint, aut tam novi, qui non
sint inquilini Domūs Tuæ Illustrissimæ. Avitos
Tuos lares, venerandum Deorum delubrum appel-
lare fas esto, in quibus quid magis? præterquàm
seculis omnibus stupenda, à venturis imitanda
temporibus semper viguit Religio, nec hucusq; vi-
gere desinit. Gentilitia Tua *Ascia* detestabile otium
exosa, circa id solum didicit occupari, quod vel Di-
vini cultus, vel publici commodi est proficuum in-
cremento. Decimum abhinc elabitur seculum,
prout Vetus in Orbe Polono *Starzarum* ingens de-
cus *Ascia* non versuti Myrmidonis, aut Dolopum
manu in ignea Vulcani officina fabricata, sed præ-
potenti ipsorum Superū dexterâ elaborata, nun-
quam fædam malæ fidei admisit rubiginem, præ-
cellenti suo splendore immanes noctuas, & cæcu-
tientes talpas (Heterodoxos intelligo) verberando,
Orthodoxam Ecclesiam & carissimam Patriam,
Phæ-

Phæbeo fulgore illuminando. Ferrô pascantur.
Struthiones; tempus edax rerum & invidiosa ve-
tustas TARLOVIANÆ *Asciæ* minimè obnoxia,
quò antiquiorem stupet, (& ideò *Starzæ* nomine
appellat) eò venturis seculis gloriosorem porrigit.
Exercuere toties illam in ignea furentis Gradivi
officina, graviores quàm Steropum, Brontumq;
quia hostium manus, sed sanguine suo, quò toties
rubebat, puriorem & splendidiorum effecere. He-
bescere illa nescit, ast frequentiori percussa ictu, in
excidium hostium exacuitur, ignes ex se eliciens
Patriæ triumphales. Vibrata in adversos exerci-
tus duras cassides, & ferreos thoraces penetrat, ho-
stes cedere, fugare, prostrernere didicit; omnibus
metuenda, præterquam Patriæ. Digna heroicis
manibus, quod tinnitu suo, ære Corynthio svavior,
aurum pondere & pretio antecellat. Hâc *Asciâ* o-
ptimè se noster Lechicus munivit Septemtrio, cum
ad prima sui cunabula Regni, *Asciam* in præsidium
suum, accersijt. Non potuit Poloni Conditor ce-
leberrimus Regni *Lechus*, adhuc rudem ac indoctam
Sarmatiam excolere, passim horridis repletam tes-
quis purgare, ferocibus tantum habitalem feris,
Martiali progenie gente Polona replere, nisi ad tam
præstantissimum opus *Asciæ* ope uteretur! adeò; ut
nos Sarmatæ nostri primordia Regni, æque *Lecho*
Conditori, ac nidi Aquilæ nostræ Architectæ *Asciæ*
debeamus. In ipso ortu decresceret, & in princi-
pijs suis, funestum statim vidisset terminum Polo-
nia, ni labefactatæ illius sorti *Ascia* succurreret. Il-
lius cardines nutare, flectiq; in ruinam cæperunt,
cum deficiente *Lechi* sobole, novi Atlas bajulator.

Orbis; qui clavum orbatī Principatus teneret, populumq; subiectum regeret, fato quodam & omīne infelici defuerat! obviat huic malo, & labantem Patriam, in interitum trahi non permittit *Ascia*, cū inter firmissimas cadentis Patriæ bases, inter bis senos Palatinos Dictator Toporeus supremum tenet fastigium. Magnus honor *Asciæ* erat, cū in Lydiæ Regum manibus, pro aureo Sceptro, in Iovis Labiadei dextra, pro trifulco fulmine, in Virgineo Cælestis Astrææ pollice, pro evaginato ense tenebatur! major longè ejus gloria, cū inter Palatinas Curules, in robustis Dictatoris Toporei manibus videbatur. Cū *Ascia* præerat, Sarmatia decus præcipuum, & apud finitimas auctoritatem gentes habebat, hostes terrore summo replebantur. Innatum erat *Asciæ* Patriam animosè defendenti, ex prostrata hostilium cadaverum strue augustum gloriæ immortalis erigere Septizonium. Aurea hac bipenni majestuosum celsi honoris sibi erexerunt Capitolum Magni in *Panigroda*, *Luknia*, *Danabora*, *Præginia* Comites *Toporei*: pleni sunt heroicis eorum factis, Historicorum fasti: horum gloriosa gesta, pervigil tanti nominis custos, fama, necdum & hætenus vasto deprædicare Orbi, desinit. Vnus *Sethigius*, seu *Seciechus Cracoviensis* Palatinus, ex Familia *Toporeorum* oriundus, quas laudum non meretur panegyres? Multum Sarmatia nostra debet suo imperterritō Alcidiæ, Regum non minùs bellicosissimo, quàm felicissimo BOLES LAO CHABRY, qui quadragesies septies finitimarum gentiū Triumphator, non tantum arctos Poloniæ limites victrice gladio extendit, & ferreis determinavit.

Co-

Columnis, sed & gloriam nominis Lechiadum ampliavit! plura debet *Sieciecho* tantarum Victoriarum, famosissimo Authori. Nec tantarum rerum stupor, cujusquam attonitam invadat mentem! prudentissimus *Sieciechus* non prius novit dulcissimæ Patriæ, immortales de Victoricibus Oleis erigere Obeliscos, quàm DEO Exercituum basilico opere magnificentissima extruere Sanctuaria. Clarum liberalitatis ejus exstat monumentum *Sieciechovien-*se Ascæterium, cujus cum BOLES�AO CHABRY, munificentissimus Fundator, major ex potiori sui patrimonij parte Author, extiterat. Non sola Lacæna, fæcunda Virorum genitrix dici meretur; eò quòd masculæ Virtutis proferat Heròes; Antiquissima *Toporeorum* Familia, à primis suis cunabulis, magnorum Virorum, parens meruit nuncupari fertilissima; quod non effæminatos Sardana-
palos, sed duris enutritos bellis Martes, invictos Scipiones, imperterriti animi Leonidas, Patrio sine intermissione proferat Regno. Viderunt antiquiora tempora, in *Zegothu*, *Novogijs*, ex Familia *Toporeorum* oriundis, Polonos Epaminondas, in *Teczynijs* Sacri Romani Imperij Comitibus Fabios Sarmaticos, in eloquentissimis *Ossolinijs* Pericles Polonos, quorum Nectarea oris rotundi Svadâ, adeò prima. Orthodoxæ Fidei Capita VRBANVM VIII. Pontificem Maximum, & FERDINANDVM II. Romanorum Imperatorem, in sui amorem provocaverat; Vt hic in coronam *Ossolinianæ* Virtutis Ducatum in *Ossolyn*, ille Principatum S. R. Imperij gratiosissimâ munificentia contulerit. Penna imbellis solo veneratur silentio (quorum nunquam.

intermoritura laus viget) religiosissimos *Zbilutas* zelô boni publici & fide illibata incomparabiles *Włostovios* Comites *Xiaznenses*, æquè invicta animi fortitudine, ac singulari pietate celebrandos *Korycinius* Comites *Pilecios*: tantum hi amplissimæ & vetustissimæ *Toporeorum* Familiæ debent, quantum *Erythræo* suo pretiosi uniones. Ut tenuiores amnes vasto *Nerei* ponto sua primordia debent, vel ut aurea *Cæli* stelligeri *Astra*, quod corusco resplendeant jubare, & cæcas illuminant noctes, fonti luminis, auratis radianti comis *Phæbo* obligantur; ita Vetustissima *TARLONVM* Domus, quod sacras *Tiaras*, *Trabeas* Senatorias, *Ducales* *Clavas*, cæteraq; magnorum honorum insignia, in perenne sui collecta habeat ornamentū, *Ottoni* ut suo fonti & primo principio tenetur. Felicissimus hic *Archimedes* Gentilitiæ suæ *Asciæ*, verius ingētium laudabilium operum adminiculô, adeò augustam *TARLONVM* Domum effecit, ut illam omnium Fascium commune quoddam receptaculum, imò Templum Honoris visendum publico *Soli* exhiberet. *Poloni* Authore Regni *Lecho* regnāte, *Gnesna*, candidæ *Sarmatarum* *Aquilæ* cunas ex se præbuit; *Czekarzewice* ab *Ottone* inventæ nidi nomine, *TARLONVM* antiquissimam *Prosapiam* sinu suo complectentis, & enutrientis nomine insigniri meretur; ex quibus cara *Ducum* soboles, veri *Aquilæ* *Polonæ* pulli, in publicum *Solem* evolârunt. Satis fecundum fuit solum, quod ferream *Virorum* segetem, intra exigui momenta temporis, ex projecto *Cadmi* semine progenuit, fecundiora & feliciora. *Czekarzewiciensia* *Arva*, quæ aureos *Viros*, tot *Sacra*,
Ca-

Capita, in æviternum Ecclesiæ CHRISTI decus,
 tot galeatas frontes ad terrorem hostium, ac inde-
 ficiens Patriæ carissimæ subsidium protulerunt.
 Verùm eheu volubilem, continuò sese immutantis
 Prothei vel Vertumni instar fortunæ vicissitudi-
 nem! quæ Viris emeritis invida, in eos furoris sui
 malèfani jacet fulmina, quos in Apogæo honoris,
 Virtus & laudatissima facta collocavêre. Excidit
 de gratia sui Regis *Otto*, qui omnium affectus
 meruerat; bonorum patitur diminutionem, qui au-
 gmentum boni publici semper promovit, semper
 curavit. Caliginosæ hæ nubes *Circæa* iniquioris
 fortunæ fabricatæ manu, non obsunt animoso *Ot-*
toni, & licèt hunc Solem, Patrio semper proficuum
 Solo, ante faciem Regis obtenebrent, tamen non
 extinguunt. Rumpuntur hæ à severiori fortuna
 paratæ insidiæ, vulnera, ipsa sanat mora, redit in
 propria *Otto* cū Posterī ejus magni vestigia premētes
 Prædecessoris, pristinos honores, bona *Czekarzevice*
 imò his majus, cor amabile & propensum animum
 VLADISLAI Regis hæreditant. Ita certè esse
 debuit. Luctari prius debuerat cum fortuna *Otto*,
 antequàm eam amicam sibi redderet! casibus stare,
 mortalibus est innatum: ut nunquam purpureum
 Ver Orbi advenire videmus, nisi gelida præceden-
 te bruma; ita magnarum Familiarum incrementa,
 non solent esse absq; ardua malignantium factorum
 acerbitate. ZAKLIKA TARŁO cū in grati-
 osum Iagellonis Regis suscipitur finum, *Czeka-*
rzoviensibus hæres legitimus bonis restituitur.
 Phæben ille imitatus Cælestem: quippe sicut hæc
 Sole apud Tethym suam commorante, minutiori-

bus præsidet astris; ita *Ottone* mortuo, ZAKLIKAM dum ad gratiam Principis sui redit, TARLONES dilecta Poli Sarmatici Sidera accendit. Non sic Theseus Pirithoum, Macedo Ephestionem, ut Jagello Rex adamavit ZAKLIKAM, cum eo momenta vitæ ducere, illi arcana Regi sui pectoris adaperire, saluberrima consilia, arduo tempestuosi belli tempore, ceu ab Oraculo petere, non moris, sed cuiusdam instituti habuit. Caput Podoliæ, Divina Manu munitum propugnaculum, rupes saxea, ad quam toties barbaricæ fracta sunt cornua. Lunæ, Camenecum, à rebelli Lithavæ gentis possidebatur manu, Rex æquè clementissimus ac prudentissimus ut recalcitrantes animos, non tam potenti vi armorum, quàm dulci paterni amoris illiciò, in obsequium Majestati suæ pertraxisset, Cyneam Sarmaticum, ZAKLIKAM mittit facialem. Suscipitur ille à Præfeto Urbis; sed ô perfidiam! & fædo carcere mancipatur, contra Oratorum naturam, qui ubivis & omni tempore liberi, nullas duræ servitutis amant compedes. Sed captivato libero Civi, carcer hic transijt in augustale honoris, ferreæ catenæ in aureum cesserunt monile, erepta lux Majestatem illi non diminuit, sed ampliavit: utiq; adamas & in abditis terræ visceribus, pretium & æstimationem non amittit; & Rex Astrorum fulgidior tunc apparet, cum è subterraneo carcere exit.

Verùmenimverò, cum ulteriùs trepido calle purpuratos Domûs TARLONIANÆ ingredior postes, in ea Pantheon quoddam venerando Deorum senaculo refertum adverto. Attonitam primò

mò rapiunt pupillam; animumq; tam in contem-
plationem, quàm in admirationem provocant, Sa-
cris Virtis Cælo sublimata Capita. Quæ inter ve-
lut Musæus inter cæteras animas, non tam Tiarato
Vertice, quàm Archipræfuleis eminentior Virtuti-
bus exstat, **PAVLVS TARŁO** Archiepiscopus
Leopoliensis. Roxolana Ora rarioris fortunæ sibi
gratulabatur, munus, cùm **PAVLVM** hunc, Sapiëntiæ
gladiò armatum vidit Pastorem. Ensiferum hunc
Sacrum, metuebat reviviscens toties perversi Schi-
smatis Hydra, maluitq; Pontificijs illius accumbere
plantis, quàm districtò illius Sapientiæ gladiò ju-
gulari. Gratissimum Cælis obtulit thymiana, ad
Divinas stans novus Aaron Aras **STANISLAVS**
TARŁO Antistes Præmisliensis. Quantum vi-
gilantissimus Ovili suo profuerit Pastor, ingens il-
lius probavit sollicitudo. **STANISLAI** Præsidis
& Martyris nomine præclaro gaudens, stetit pro
Domo **DEI** fortiter zelosissimus! in exanimi di-
visoq; corpore suo, unionem amantem imitatus su-
um Patronum, abscissum à corpore Ecclesiæ Ca-
tholicæ Ruthenicum Schisma, ineffabili dexterita-
te & indefessa curâ, ad desideratam Vnionem per-
traxit, perduxitq;. Vives in omnium cordibus &
animis *Illustrissime olim & Reverendissime Dñe* **MICHA-**
EL BARTHOLOMÆE TARŁO, Episcopo
Posnaniensis. Non solâ sapientiâ, sed & omni pi-
etate excultus Tuus animus, Vitam Tibi inspira-
bunt sempiternam. Securæ aureæ **PETRI** man-
sere *Claves*, cùm Tu **MICHAEL** pro **DEO** & Aris
decertâsti. Exosculatur tantum Præfuleam Tuam
fimbriam, Vmbratilis Eloquentia, & quæ magna
D
Tua

Tua merita iusto nequit celebrare cothurno, profundo silentio veneratur *Illustrissime & Reverendissime Domine* PETRE de Czekarowice TARŁO, Episcopo Livoniae, Abbas Paradisiensis; Praeposite Cathedralis Posnaniensis, &c. Progredere ad altiores Trabeas, fascesq; felicissimus, prodroma Virtute, Sapientia comite, praecelsis assistentibus mentis magnanimae qualitatibus, meritis evehentibus! Verticem Tuum Sacrum, quem nunc duplex ornat Tiara, Archipraesuleae cingant quam citissime, & coronent Vittae.

A Pontificijs Tiaris ad Senatorias Trabeas, a claris unionibus Infulis, ad Triumphales Clavas, aurorae intextas Chlamides, Scipiones, Caduceos, officiosa provolat penna: quae cum in Domo Tua *Illustrissime & Reverendissime Antistes* palmatas, pictasq; Togas, Sigilla, Vexilla, Baltheos, Coronas militares, omneq; genus Officiorum miratur, a Palatino honore, Tuos Honorios audet enumerare. Purpureae Palatinorum Cohorti, primus anteit NEORIVS TARŁO, Palatinus Sandomiriensis. Cum nomen legimus, Virtutis & meritorum pondus aestimare debemus: quippe nihil leve in fronte statuitur ipsa; in bello fortiores Viri, primum occupant locum! Leones Ducem Cervum non habent. Praeivit ad Palatinas Curules TARŁONIBVS, passu heroico NEORIVS, qui praevit & Virtute. Omnes invenit gratias in IOANNE TARŁO, Palatino Sandomiriensi Polonia! Nomini, meritis correspondebat ille, quem prompta in rebus publicis gerendis dexteritas, inextingvibilis in Patriam amor, oris facundi ambrosia, non Lechico tantum

Se-

Septemtrioni, sed & vasto Orbi commendârunt.
Fertilissimæ plantæ non impar germen, boni Pa-
rentis optimus Filius IOANNES TARŁO, *Pa-
latinus Sandomiriensis*, Paterni nominis & honoris, ma-
gis paternarum hæres Virtutum, Patris post fata
vivam effigiem in se gessit, quando cum honore
illius gessit & Virtutem. Pulchrum & laudabile
nimis est, Magnorum Aboriginum, celebre tenere
Nomen, probitati illorum indivisim conjunctum.
Mutare nomen suum, militem Macedo jubet,
quod solum & non Virtutem ALEXANDRI præ-
ferat. Scipio Major & Minor leguntur: impari-
tatem hanc non nomen, non Virtus, (cum æqualia
in illis reperiantur) sed temporis diversitas, quo na-
scebantur, causavit. Qui Parentem cum dulcissi-
mo Nato, Vtrumq; IOANNEM, Vtrumq; TAR-
ŁONEM, & Palatinum Sandomiriensem videret,
solam ex tempore nascendi inter eos inveniri di-
sparitatem affirmaret. A IOANNE ad PETRVM
TARŁO, Lublinensem Palatinum, Avum Tuum,
Illustrissime Præsul, velox in obsequium properat pen-
na. Ad Vnum Collegium hæc Nomina spectant:
Vnius Domini, fideles servos denotant. PETRVS
hic stylô adamantino dignus, qui ferreo adversus
hostem Patriæ usus, non unam vel lauream, vel
auream meruit Coronam: in juvenia nunquam.
PETRVS sine gladio visus, tam in Sago, quàm in
Toga, probatus Patriæ Civis, Purpuram Senato-
riam quam gessit, proprijs sibi gestis comparavit!
non prius eam induerat, antequam hostili cruore
intinxerat! Et benè! elegantius non potest dari
ostrum, illo, quod non tam piscium, quàm barba-

rorum hostium sanguis decolorat. Insurgentes adversus nostram Patriam hostes, PETRVM hunc Pænitentiarium agnoverunt, coram quo nefarium suum ausum, non tam irriguis lacrymis, quam sanguine suo toties expiaverunt. Quis calamus, laudes dignas levi exarare potest pagella? IOANNIS TARŁO, Palatini Sandomiriensis, Parentis Tui Dignissimi, *Præsul Emeritissime*. Lucius Metellus (attestante Plinio) hæc maximis votis à propitijs flagitasse Superis narratur, primarium bellatorem, esse, optimum Oratorem, fortissimum Imperatorem, excellenti honore uti, summâ Sapiencia esse, dignum Senatorem haberi, liberos bonos relinquere, & clarissimum esse in Civitate. Hæc præstantissima optimi Civis munera, pientissimum hunc circumstare Æneam quis non videt? quis non miratur? cujus in regendo prudentiam, in persuadendo Sapienciam, in bellando dexteritatem admirata Polonia, dignum in eo & Oratorem, & bellatorem, & Senatorem venerabatur. Acerbo dolore, & nunquam iustis lacrymis expiando, & Regnum, & Domum suam Illustrissimam replevisset, nî communi fatorum lege vitæ & mundo ereptus Castor, hic Pollucem suum STANISLAVM TARŁO, Palatinum Lublinensem, Patrum Tuum, *Antistes Dignissime*, orbatae Patriæ reliquisset. Illius Herculei pro Fide & Patria labores, in gentilitia *Ascia*, ceu in tersissimo speculo, satis splendide enituere. Festivos exercuit saltus *Lublinensis Cervus*, cum non tam albis quadrigis, quam amantissimis Civium pectoribus, vectum Palatinum hunc intra Provinciam suam susciperet. Ducit in obsequium

ve.

vestigalem honori suo svadam, pedissequa immortalis gloriæ centum lingvis jactabunda fama, dulcis memoriæ IOANNIS TARŁO, *Palatini Smolenscensis*, quem illibata in Patriam amoris integritas, ardens in Superos pietas, & intaminatus erga Cives candor, omnibus seculis conspicuum referunt, & licet Vitæ illius stamina, invida Atropos præcoci rupisset fato, mortalem tamen vitam, quam immature adhuc eripuit, æterna perennaturi Nominis gloriâ compensavit. Vivis in amantissimo Patriæ Tuæ pectore, etsi cum acerbo dolore illius recens è vivis sublata *Illustrissime olim & Excellentissime Dñe ADAME TARŁO, Palatine Lublensis*. Sepulchrales cineres Te tegere totum & obruere nequeunt, quem in Natale Solum non fucatus amor, & hætenus detegit, Civibusq; Patriæ ad invitandum revelat. Nullum publicum privatumq; consilium fuit, in quo benè Patriæ non consuleres, ubiq; & semper integritatem illius promovendo, dignitatem adaugendo, bonum commune prævidendo. Plurimè hoc tempestuoso tēpore furentis alicujus Æoli adversum se exacuerent iram, sæpius elingvem imitabantur Atym, Tu pro Patria animosissimus Hector, & disertissimus Hypperides, quæ & quanta illi candido animo optaveris, ore expressisti. Darius tot sibi exoptabat Zopyros, quot in malo Punica, minutissima numeraverat grana, nos tot TARŁONES, majora dicam! tot Regno Patrio Cives, & tales, qualis Tu eras, optamus, ut post concatenata diuturno tempore mala, desideratam, in Patrijs nostris finibus, & stabilem videamus tranquillitatem.

E

Hæc.

Haëtenus primæ magnitudinis sidera, Senatum
Lêchicum TARŁONIANAMq; Domum, ceu
stellatum exornantia Olympum, attonita mentis
indagine per Palatinas Curules observabamus, nũc
æmula magnitudine sua Astra, longo sibi ordine
succedentes *Castellanos*, contemplemur, est necesse.
Hos inter primus præradiat velut inter ignes luna,
minores IOANNES TARŁO, *Castellanus Radomi-*
ensis. Eruditi Historicorum Annales desinant Pi-
filtratum ob oris facundiam, laudibus celebrare
summis, quòd Cecropiæ Urbis incolas, sui potesta-
te eloquij ita captivaverit & devinxerit, ut Re-
gium illi ultrò Sceptrum & diadema pollicerentur!
quo titulo? quo honore dignus? Regum præcur-
sor gloriosus IOANNES? qui dulci oris Nectarei
svada, ex Transylvania in Poloniam STEPHANVM
BATOREVM *Legatus* invitavit! & non tam gale-
atum illius Verticem Regio cinxit diademate, ma-
num Sceptro & Pomo gravavit, quàm ipsam Po-
loniam in STEPHANI Regis Nomine coronavit.
Non digniùs pro Saturnio cæterisq; Dijs Cylle-
nius, quàm IOANNES TARŁO pro Republica
Polona domi, forisq; peroravit: bene meritus de
affectu coronati sui Principis, ad quem ad Regium
Thronum invitandum, non solùm stylum disertæ
lingvæ eloquentissimus Cynæas armavit, sed ad
ejus defendendam Majestatem, heroica manu, ma-
gis heroico spiritu gladium adversùs hostes toties
extendit, vibravit, explicuit. Maximi honore di-
gnus, quòd Gentilitiâ *Asciâ* MAXIMILIANI impe-
tum fregerit, triumphaverit. CAROLVM IO-
ANNEM TARŁONEM, *Castellenum Vislicensem*, Hæ-
redem

redem in *Czaple & Bobrowniki*, inter cætera fastis perennibus digna egregia facta, effusa in Ecclesiam, Patriam, egenosq; liberalitas, maximè venturis de- prædicabunt temporibus. Non immeritò: nulla quippe felicior est fortunæ jactura, nullum laudabilius bonorum dispendium, quàm cùm in pietatis opera, vel indigentium subsidium erogantur. Gradus Heroicarum Virtutum legite posterì, in SIGISMUNDO TARŁONE, *Belzensi Castellano*, Hærede in *Czekarzewice & Melszyn*, in quo gradus Honorum observatis. De Sandecensi in Belzensem Castellaniam, hic favente Sortis prosperæ ope appropinquavit: meruit hæc scandere subsellia, qui in amplissima Virtutum semitâ, giganteos passus exercuerat. Necdum ex animis Civium excidit ALEXANDER TARŁO, *Castellanus Zawichostensis*, Patrius Tuus *Antistes Dignissime*; huic Virtutes aurò, Cedròq; dignæ, æternitatem paravêre. Magnus ille Nomine, major meritis; videre Sarmatici Alcidae Polonum occupantes Thronum, illius incorruptam erga Majestatem suam fidelitatem, Patria, eximium Senatorem, Ecclesia Sancta, zelosum Divini Cultûs spectavit in eo Promotorem, hostes acerrimum Bellatorem, amici nunquam mutabilem in affectu Theseum probaverunt.

Ferream hostibus, auream Patriæ magni æstimare debet Orbis TARŁONVM *Asciam*, non suis illa, sed alienis usibus, immutabili Superûm decretò destinata, fidele semper & Regibus & Reipublicæ præstabat ministerium. Officiosam eam tot secula viderunt: quippe tot gravibus Officijs Regni oneratam. Præesse multi appetunt: TARŁO-

NES & Regno & Regibus obsequuntur! non sibi
vivunt, sed Patriæ, sed communi bono: nil magis
amant, quàm annos, fortunas, vitam deniq; ipsam
pro boni publici integritate immolare. Non in-
volassent in manus NICOLAI TARŁO, *Cancellarij Regni*, Aquilæ Sarmaticæ; nî intemeratam erga
Regnum fidelitatem in illis irretortâ palpebrâ ad-
vertissent. Ingens splendoris auctoramentû TARŁONVM *Asciæ* merita invexêre, sed Ceræ Regni
magis eam illustravêre. Veniat alijs ex ceris tan-
tùm teterrimus fumus, TARŁONVM Domui
ex Ceris omnis emicat fulgor. Sigillô Regni Re-
gum gratias & sibi & alijs obsignavit CAROLVS
TARŁO, Patruus Tuus, *Præsul Emeritissime*: ex Pa-
latino Lublinensi Cancellarius factus, Officium di-
gnè accepit, digniùs gessit. Nunquam gratiùs evo-
lârunt Regni Aquilæ, quàm ex manu TARŁO-
NIS, candidum hunc Alitem benè semper tractâ-
te. Quot Sigilla literis impressit, tot apertissima
fidelitatis suæ documenta exaravit! annulô, quem
gessit, omnium affectus sibi desponsando. Nun-
quam sapidioribus publicæ Regni Mensæ instruebâ-
tur dapibus, quàm cùm Præfecturam Culinæ Regni
dexterrimè STANISLAVS TARŁO gessit,
Cunctis Regni Sarmatici Ordinibus, cuncta tunc
fuère ad gultum, cùm ipse Præfectus singulis erat
ad mentem. Lautè convivabatur Polonia; ad nor-
mam Tutelaris sui STANISLAO TARŁONE,
publicas dapes instruente: ex diviso sacrilego BO-
LESLAI *Audacis* ense corpore suo, *Præsul Gracius &*
Martyr, dulce quondam Cælis paravit obsonium,
hic propriô, illoq; amantissimo corde, omnium
non

non tam appetitum, quàm affectum satiavit: eò
jucundiùs Patriam suam tractavit, dùm suorum par
nobilissimum Fratrum IOANNEM & MICHA-
ELEM, in obsequium eidem Martialibus signis
consecraverat. Vide Polonia! quantum pro fide-
li ministerio Antiquissimæ TARLONVM debeas
Profapiæ! Parum erat illi in commodum Tuum
Gentilitiam manu tenere *Asciam*, aliud præterea ar-
morum genus, Cultellum nempè procurant; hunc
vidisti in heroica dextra IOANNIS TARLO,
Incisoris Regni. Exquisitas dapes, quibus publicæ Re-
gni onerabatur Mensæ, ô quoties ille dividebat! & ar-
tē divisionis ignorabat! benemeritus hic de Patria
Civis, quoties disunitum Reipublicæ Polonæ cor-
pus observavit, toties disjecta ejus membra, discor-
des animos, felici optatæ concordiae nexu univit;
velocior ad compositionem, quàm ad scissionem.
Quæ Stylô Majestas requiritur? ut GABRIELEM
TARLO digna celebret Apotheosi? Cæleste hoc
Nomen non humanas, sed Angelicas complectitur
Virtutes: hæc cùm bonis tantum placeant, *Bonam*
quoq; *Sfortiam* Reginam Poloniæ, in sui amorem;
cultum & Venerationem pellexerunt. Noluit
optima hæc Imperatrix, Regiam suam Aulam, de-
testandis scatere vitijs, idcirco illi GABRIELEM
præfecit: non potuit alibi commodiùs GABRIEL
commorari, quàm in oculis *Bonæ* Principis, ut inge-
nuis moribus, Regios lares, in Cælum quoddam
transmutaret. Credendum est gratos semper Re-
ginam percepisse rumores, hos GABRIELE an-
nuntiante. Nunquam decorus Cælestium Numi-
num Pocillator, dulcius in Deorum confessu ma-

nu tenebat poculum, quàm **NICOLAVS TARŁO**, Pincerna Magni Ducatûs Lithvaniae, Frater Tuus *Præsul Humanissime*. Lithavus Eques tanquàm de Castalio bibisset fonte, Bellerophonteo in subsidium Patriæ suæ properabat cursu! cum liberali sui Pincernæ manu ad tantum præstandum obsequium, modò invitabatur, modò incitabatur. Effusam hujus **NICOLAI** probavit Polonia dextram, in subsidium dilectissimæ Patriæ, aurum de proprio ærario effundentis. Ære triplici munire Regnum exoptabat, ære proprio legiones armatas comparando. Felicissimum germen **NICOLAVS** dilectissimæ Patriæ aurum dare maluit, quàm avarorum consuetudine Catilinarum, aurum, vel ab ea repetere, vel expectare.

Longum Magnorum Prædecessorum Tuorum *Præsul Dignissime*, penna referens syllabum *Illustrissimorum* quoq; *Capitaneorum*, immortalem gloriam contemplari exorditur; etiam hi ad prima Capita spectant, cum à Capite Nomen desumant. Hucusq; perennat in memoria hominum **STANISLAVS TARŁO**, *Capitaneus Sochaczewiensis*: immortalem famam, egregijs meritis sibi comparavit. Non absq; dolore Vitam hanc in æternam transmutasset, nî redivivam Virtutum suarum imaginem in **CASIMIRO TARŁONE**, *Capitaneo Goszczynensi*, Fratres Tuo Germano, *Præsul Dignissime* reliquisset. Liliatum ejus Nomen, luculentum illimis conscientiae illius testimonium, quo fuerit in Patriam, Amicos, animi sui candore, palam probavit, demonstravit. Flos hic omnium oculis placidissimus, omnium pectora in amorem suavi illicio pertrahens, in altum

cum honorariæ dignitatis excrevisset Culmen, nî
eum ferox Libitina præcoci ferro succidisset.
Tanti post fata amarissima Viri, lacrymas de oculis
sincerè amantium manantes temperavit obtutu
suo, SIGISMUNDVS TARŁO, *Capitaneus Pilznen-*
sis, Patruus Tuus, Præsul Illustrissime. Ter felix, be-
atusq; ternione filiorû, in quibus TARŁONVM
Domui singulare decus, Patrio Regno desideratum
reliquit præsidium. Horum primus *Capitaneus Pil-*
znenfis factus, legitimum se tam Paterni Honoris,
quàm dotum eximiarum hæredem probavit. IO-
ANNES & FRANCISCVS gemmeæ animæ, Pa-
triam quàm diutissimè & felicissimè ornent, sum-
mis primarum dignitatum exornati coronamentis.
Summè notandum Domui suæ paravit Honoris
incrementû. Filius Patriæ accrescens IOSEPHVS
TARŁO, *Capitaneus Gosczynensis.* Nullis cedentem
periculis in se exaravit Achillem, dùm in Callissi-
ensi bello, & strenuè & gloriosè, cum adversis Ca-
stris decertavit. Leone rugiente quis non pave-
ret! masculæ Virtutis pectus IOSEPHI, Gottica
bellua mugitu suo minimè exterruit, ipsa ex præli-
ari arena invictô animô & intrepida dexterâ Polo-
ni istius Agamemnonis jam fugata, jam profligata.
Nunquam immanis tot hostium Viscera Patriæ his
anteactis infaustis dierum intervallis rodentium col-
luvies, res nostras Polonas olim florentissimas de-
fædarent, si pares Marios in defensionem firmam
Regni paratissimos, plures numeraremus.

Progredere in ampliorem Eloquentiæ campum,
Nomini magno devinctissima penna, cùm invicta
TARŁONVM manu gestata vexilla in mediû pro-
F 2 de-

deunt. Venerari ea debet calamus, quæ ebrius proprio sanguine hostis, in cruenta Bellonæ acie cadens pronus in terram, haud semel adoravit. Gelido terrore repleta hostium castra, toties pallorem induere cogeantur, quoties IOANNES TARŁO, *Vexillifer Sandomiriensis*, militare signum elevabat. Nunquam uberiùs probata Polonorum Virtus, in publica bellantium arena, Victrices colligebat Palmas, quàm præeunte inter hostiles phalanges Polono Affricano ADAMO TARŁONE, Vexillifero itidem Sandomiriensi. Fluitantia signi sui militaris quoties laxabat vela, toties ad exoptatum certi triumphii promontorium, securum iter indigebat. Ingemiscere, nefariumq; deplorare ausum debuerant terræ allisi audaces Enceladi, hoc maestuoso Iove, dextrâ sua non Vexillum, sed trifidum fulmen manu tenente. Geminata gratia Roxiacæ accesserat terræ, cum bini TARŁONES, ambo gratioso IOANNIS Nomine insigniti, Vnus post alterum Leopoliensis terræ Vexilla deportarent. Timuit elatum erigere cornu Odrysia Luna, his Polonis Camillis militari Signo, minas & pallorem illi incutientibus; debuit exhorrescere Hydra illa Christiani sanguinis sitientissima, TARŁONVM manum alteram Vexillô, alteram *Asciâ* in sui cædem paratâ, armatam videndo. Constantem sibi pollicebatur fortunâ Lechia nostra, CONSTANTINO altero NICOLAO TARŁONE, *Vexillifero Præmysliensi*, triumphale Signum, quia salutari DEI in ligno vincentis caractere insignitum, adversus Fidei & Patriæ hostes, animosâ dextrâ bajulante. Quis triumphales non expectaret palmas?

hoc

hoc præeunte Duce, cum aperto Vitæ suæ discrimine inter densas immanium hostium catervas, Victrices Laureas sollicitè quærente, observante. Desinat jactare prisca seculorum Antiquitas, integerrimos Iustitiæ Cultores, Catones, Phociones. TARLOVIANAM Domum æquitatis Areopagum appellare fas esto: in illa Confus, Minerva, Themis, æternum sibi posuere domicilium. PAVLVM TARLONEM, terræ Leopoliensis incorruptum Iudicem, qui spectavit, ex prudentia Solonem, ex æquitate Aristidem dicere debuit! par hoc Virtutum inæstimabile, indissolubili conjunctum nexu, semper in eo eluxit, apparuit.

Hactenus de Divorum Sangvine natam Sobolem TARLONES, insignes Honorios, sublimia dignitatum multarum occupantes subselia, attonitâ spectabamus pupillâ, nunc Fascium & Trabearum contemptores, diligenti mentis attonitæ oculo observemus. Necdum desijt mirari Orbis, summa moderatione præcellētem animum ANDRÆ TARŁO, *in Czekarżowice & Bobrowniki*. Virum hunc omni titulo majorem, ad Purpuras Senatorias, Regum gratia pertrahebat, merita promotebant, opū copia extollebat? effecissent! nūc humilis de se sensus, has excelsas Curules quæ parabantur, mereri maluerit, quàm aliquando eas occupare. Pari animo fuit in contemptu Dignitatum HIERONYMVS TARŁO, emeritam ejus frontem, (quàm copiosus sudoris imber tum resperferat, cum in fertilissimis Poloniae campis, copiosam Victoriæ de Scythica barbarie collegerat messem) Regia SIGISMVNDI II. manus, Senatorio Palatinatus Sando-

domiriensis detergere proposuerat paludamento,
nō oblatum honoris munus, (rara in Viris hujus se-
culi!) Virtus suscipere humilitas renueret. Fabium M.
Latij Principē Orbis, hi magnanimi TARLONES
imitari visi sunt: quemadmodū Romanus hic
Senator, cū a se quinquies, & a Patre, Avo, Pro-
avo, Majoribusq; suis sæpenumerō Consulatum
gestum animadverteret; Filium suum Consulem
habere noluit: nē maximum Imperium in una
Familia continuaretur! eo animo TARLONES
hi, ultrō sese insinuantes amovere à se Fasces? non
hospitantem, sed inquilinum in Domo sua viden-
tes honorem, ut aliō diverteret, spontē eum dimi-
sere. Vel Africani generosam existimantur imbi-
bisse mentem: quippē dignissimo huic Patriæ suæ
Civi, cū populus Romanus pro meritis magnis
decreverunt in Comitio, in Rostris, in Curia, in
ipsa deniq; Iovis cella, statuas ponere, Imaginem
ejus triumphali apparatu indutam, Capitolinis ap-
plicare pulvinaribus, & perpetuum per Vitæ annos
Consulatum, continuamq; Dictaturam tribuere,
ille tantū se in recusandis Honoribus gessit, quan-
tū gesserat in promerendis! eadem mens genero-
sa TARLONIBVS inest; merita non amplissi-
mos curant Honores! hinc sufficit illis ad digni-
tates, non ut earum comprehensores fiant, sed ut
illis digni existant, & arbitriō Orbis judicentur..
Sed quis calamus *Illustrissimæ* TARLOVIANÆ
Domūs amplitudinem, dignissimis Hectoribus, Aga-
memnonibus, Virtutis gloriæ, & laborum magni-
tudine exuberantem, ad certum reducere potest
calculum? Numerus TARLONVM, numerus
Stel-

Stellarum est, qui Cælo non folio comprehendi potest. Multos hîc TARLONES solo veneratur silentiô penna, quos vel Sacra Deorum templature redolentibus dicârunt Aris, vel Mars Polonus duris belli exercet negotijs. Parvos prætereo Achilles, in suorum Patrum adhuc ludentes Aulis Ascanios, spem certam & minimè dubium ornamentum, Ecclesiæ, Patriæ, Domûs, dignioribus celebrandos penna relinquit Maronibus. Fateor in hac exigua opella mea, ipsa me TARLONVM multitudine vinci, Majestate splendoris eorum. obrui, ut incultô assumpti negotij calamô tacitus hæream, & augusti honoris gloriam, tumq; excelsas Curules, quas *Architecta* gloriæ & honoris *Ascia* fabricavit, ac demum Trabeas lucidissimas, non aliter, quàm velatâ oculi pupillâ possim admirari.

Interim fumosis Avorum, Proavorumq; Tuorum plena Imaginibus, Avitis fulta triûphis, Atria Tua Paterna, vili laudator præconio & magno vanitatis nihilo, Orbi videnda monstravit, nunc Ducalia Polonæ Cornelix in Te Vno *Præsul Illustrissime*, non Vnum Gracchum innumeris circumfusus Virtutibus, Sarmatico proferentis Polô, spectatissima, inquam Tuæ dulcissimæ Genitricis limina, justo venerari cultu, & æquitas poscit, & ratio persvadet. Non exiguum felicitatis argumentum est, præclaris & optimis Parentibus nasci; sæpè etenim ut nefanda vitia, ita Virtutes eximias filij eum lacte bibunt materno, moribusq; suis, quos de uberibus suxere, genitricis suas imitantur. Illustrissimum. Te *Præsul Meritissime* appellamus: talem Te honor. Præsuleus & Virtus Tibi conjuncta invenerunt. Ex

ea Materna in mūndum felicissimè prodiisti Fami-
lia, ex qua loves quoq; nasci possent, quàm innu-
meri circumstant splendores, in qua quot Cælo
sidera micantia, tot primæ magnitudinis lumina-
ria, & prima Poli Sarmatici Capita numerantur.
Evolent ex abditis Domûs suæ privatae antris, in
publicum honorum Solem alij, Tu ad titulos Illu-
strissimos cum nativo visus jubare, ad Trabeas Se-
natorias, in Trabeis Senatorijs natus, Purpuram
quam geris, adhuc in infantilibus Cunis, cum Prin-
cipum Mitris, Ducum Clavis, Præfulum Tiaris, Ma-
reschalcorum Scipionibus, alijsq; insignibus, à Ma-
tre Tibi impositam invenisti. Magnam Domûs
Vetustissimæ **CZARTORYSCIORVM** Fami-
liam quis non videt? quis non miratur? cujus si
antiquitatem revolvimus, tot elapsa secula nume-
rat, si titulos poscimus, pleni sunt ejus numero
Consule fasti, si scientiam & pietatem desidera-
mus, Sapientia **CZARTORYSCIORVM** vim
semper permovet insitam, & eorum pectora recti
cultûs roborant. Nunquam in ea sancti defecere
mores, nunquam dedecorârunt benè natos culpæ.
Fert animus Aviam Tuam **ISABELLAM KO-**
RECKA contemplari, innatæ prudentiæ, pieta-
tisq; venerandum illa simulacrum, quas laudum
non poscit Apotheoses? quàm invictô animô Clæ-
liam Romanam, vel Amazonem Marti Polono,
semper de hostibus triumphanti, reportatarum Vi-
ctoriarum acervo, omnibus seculis glorioso, con-
nubiales associavere tædæ. Mater Tua **ANNA**
ex Ducibus **CZARTORYSCIORVM** prognata,
devotione antiquæ legis Prophetissæ, sui Nominis
non

non cedens, animô masculô Camilla, corporis venustate Græca Helena, morum elegantia Venu-
fina, omnem genti suæ præclaræ aggregavit hono-
rem. Satis illa gratiosa, satis fecunda, quæ cùm
Ecclesiæ DEI BARTHOLOMÆVM Posnani-
ensem Episcopum, Regno & Reipublicæ NICO-
LAVM Pincernam M. Ducatûs Lithvaniæ, CASI-
MIRVM Capitanum Gostinensem *Fratres Tuos* ger-
manos genuit: in Te quoq; *Præsul Dignissime* Vigi-
lantissimum Fidei Orthodoxæ Antistitem, Patriæ
meritissimum Senatorem, Domui suæ inæstimabile
Decus, deniq; toti Polono Orbi, gratias in Vno pro-
tulit omnes. Ebur candefacere atramentô vellem, si
CZARTORYSCIOS Principes omniû dignita-
tum subsellia replentes enumerare voluerim: suffi-
cit annotare nullum dari honoris gradum, quem
CZARTORYSCII Principes Gentilitio suo Pe-
gasô nō adirent: quia nulla datur Virtus, quam ijdem
non attingerēt. Quis tam potens eloquiô Hypperides
est? ut Heroicam *Fanussij* dexteritatem, dignô laudis
celebret cothurno! quam sicut ubiq; & omni tem-
pore, ita in arduo belli Ruthenici opere, palam
Gentibus & Regno monstravit. Adhuc GEOR-
GIO obligatur *Livovia*, ejus Victrici mucrone, ad
obsequium Principibus Polonis præstandum com-
pulsâ illum Victorem suum laudatissimum depræ-
dicat. Martem ipsum bella gessisse existimârunt
Sarmatæ ANDREAM, qui ut Regnum metui &
& periculo eriperet, apertissimis sese obijcere peri-
culis minimè metuebat, vulnera, imò ipsam mor-
tem pro Patria appetendo. Quanta debuit reperi-
ri Virtus in CASIMIRO FLORIANO CZAR-

H

TO.

TORYSKI, Regni Primate Primo Principe, & Archiepiscopo Gnesnensi. Aureum illius Caput non una exambivit Pontificia Tiara, aut nulla dignè coronare potuit. Polnaniensis Vitta, primò hunc Sacrum redimivit Verticem, subsequuta Vladislaviensis, utraq; hæc cedere debuerat Primatiali dignitati. MICHAEL CZARTORYSKI de Palatino Wołhyniæ, Sandomiriensis Palatinus factus, docuit Orbem securum esse ad Honores iter, per gradus multos Virtutum. Ob meritorum excellentiam, primum fuit Wołhyniæ Caput, Palatinatûs illius Magistratum gerendo NICOLAVS CZARTORYSKI; hic gravi bellorum pondere fatigatæ Patriæ, non responsa, sed Phæbi Oracula dabat. Invida factorum malevolentia, *Illustrissimos olim SAMVELEM & ANTONIVM CZARTORYSCIOS* germanos Fratres, Lechici hæc sidera magna Poli extinxit, acerbum tamen ex morte ipsorum Patriæ temperat dolorem, *Illustrissimus & Excellentissimus Dñus IOSEPHVS CZARTORYSKI*, Dux in Korec & Olexinieci, Supremus M. Ducatûs Lithvan: Vexillifer. Faxint boni Superi! ut ex præsentissimo vultu illius Sarmatia nostra, indefficiens gaudiorum suorum capiat incrementum.

Augustam Illustrissimæ Domûs Tuæ *Præsul Dignissime* Majestatem, quam tot admota Cælo Avorum, Atavorumq; Tuorum effecêre Nomina; etiã Principes in Orbe nostro Sarmatico Prosapiæ, indissolubili TARŁONIBVS Cognationis, Affinitatisq; agglutinatæ nexu, eandem augent in immensum. Tam familiaris primis Familijs TARŁONIANA *Ascia* est, ut eam innumeræ, amplissimo

fimo suo sinu complectantur, affectu amantissimo prosequantur, & inter clarissima Domus suae insignia, jam artificioso Protogenis depingant penicillò, jam ingenioso Policleti insculpant instrumento. Qui Cognatas Affinesq; TARŁONIBVS in Regno Poloniae, diligenti mente revolvit Familias, hic judiciò suo comprobat TARŁONES, inter suos Cognatos ipsum posse referre Iovem: imò ita est: qui TARŁONES, rerum Polonarum Statuari, Sarmatico Herculi, gloriosissimo Odrysiæ Lunæ Triumphatori, Regum felicissimo IOANNI III. proximo sanguinis nexu conjunctos advertit.

Quanta TARŁONIANÆ *Asciae* gloria est; Solio Regum admoveri, à tanto Sole illuminari, invictò SOBIESCIORVM Vmboni associari. Satis abundè nativis resplenduit splendoribus *Ascia*, majori lumine cincta, cum eam aureum Cynthiæ WISNIOWIECCIORVM jubar irradiavit. Non suffecerat ad gloriæ perennis augem *Asciae*, vel coronatam incedere, vel supra ipsas Coronas eminare, Duces in *Ostrog & Zbaraz*, eandem Ducalibus Mitris exornavêre! ut & secures sine Coronis, & Mitrae, Coronæq; non sine securibus propter securitatem existerent. Timuerunt nè barbaris manibus cederent in prædam & captivationem, quare tanto se præsidio munivêre. Victoriosi Obelisci Regio Diademate (ut quondam LESCO II. Principatum in Polonia prætendenti) adornati, sint alijs meta? animoso CZARTORYSCIORVM Equiti *Ascia*, omnium dignitatum in se complectens decora, pro Herculeæ stetit Columna. Hæros CZARTORYSCIORVM magnanimus, ful-

genti casside, ferrea loricâ, infra&toq; licet tædus fuerit Ancili, TARŁONIANA adhuc voluit armari *Asciâ*, ut contrâ audentior iret, adversaq; hostium castra, securior involaret. Ex lunato arcu pulsæ aligeræ SAPIECHARVM & DZIAŁYNSCIORVM *Sagittæ*, Cælum fidereum pètere edo&æ *Asciam* pro velocissimi sui cursus scopo posuère, nec mirum! decus omne stellati Olympi in ea prævidere. Ignivomus LANCKORONSCIORVM *Leo*, alibi ferventes iras, in TARŁONIANA Domo tædas nonnisi illasq; accendit jugales, & suo flammigero ore TARŁONIBVS ignes excitat triumphales. In exstruendo gloriæ immortalis Capitolio, quomodo fortunata dici non debet *Ascia*? quam trina POTOCCIORVM *Crux* signavit; nec hostis, nec Erebi metuit insidias, tam infra&to benè munita præsidiô. Non omnis fluvius fert, secures! *Szreniava* LVBOMIRSCIANVS *Asciam* portat TARŁONIANAM! quanti eam æstimet? vel inde colligere licet, quòd non tam aurifero Patoło vel gemmifero Hydaspì, quàm TARŁONVM amat conjungi *Asciæ*, felicissimo alveô, in ejus pervetustam Domum influendo. Omnia in Domum hanc benefica sua manu, conguessisse debuit fortuna munera, cùm & florigera Chloris, speciosi Veris ei intulit ornamenta, eam purpureo SZEMBECCIANARVM *Rosarum* Ternione exornando. Heroum Patriæ, Semideorumq; oneraria OPALENSCIORVM *Argos*, aureum intra se portare visa est vellus, *Asciam* hanc intra sui penetralia recondendo affectus, & ad fortunatum nobilissimi sui sangvinis vehendo promontorium. Non
sic

sic remotas pervagantia Oras terrarum fluentia, veloci cursu, in amplum Nerei properant pontum, ut primæ in Septemtrione nostro Lechico Familiæ in Illustrissimam TARŁONVM agmine vasto agglomerantur Domum. Ad hanc ZAMOYSCII, OGINSII, WIEŁOPOLSCII, CHODKIEWICII, BRANICII, PRAZMOVII, CHOMENTOVII, TARNOVII, ZBOROVII, FIRLEI, LIGEZÆ, CIECISZEWSII, CZERMIENSCII, ZALEYSII, PODOWSCII, alijq; sexcenti, jam per connubialia fœdera, jam per usitatam Cognationis Affinitatisq; viam procedentes, sibi sedem in ea fixerunt exoptatam.

Post tam longam Magnorum Tuorum Prædecessorum seriem, Tu tandem *Illustrissime, Excellentissime & Reverendissime Domine* IOANNES de Czekarżowice TARŁO, *Episcopo Kijoviensis*, in profundam Magni Nominis & Virtutum Tuarum eximiarum Venerationem, non segni provolantem passu pennam provocas ac excitas. Ad metam & terminum properans Oratio, Te ultimò aggredi, & Tuam Pontificiam exosculari fimbriam proposuit, ut in Te Idæam omnium TARŁONVM veneretur, & talem à cunctis videndum, amandum, colendum, spatioſo Orbi exhibeat. Tantos *Illustrissimæ Domus* *Tuæ* splendores, non ideò per tantam laudatissimorum Aboriginum congeriem porrectos recepisti, ut illis in facie Arctoi Orbis inclaresceres, sed ut traditum Tibi, hoc lumen magnis meritis augeres, auctum Tuis Posteris ad exemplar & perpetuam imitationem dares, relinqueres. Etsi ob innatam Tibi humilitatem Cognomen Tuum negaveris,

I Do.

Doctrina, Pietas, boni publici amor, indefessus Di-
vini honoris zelus, Te TARLONEM probarēt.
Hæc quippè pretiosa Virtutum egregiarum Cy-
melia, Domus TARLONVM dos hæreditaria,
est, hæc Cresi vel Mydæ opibus præstantiores di-
vitiae, in gazophylacio Antiquissimæ hujus Fami-
liæ, à tot seculis locatæ, depositæ. Illas custodire,
custoditis oblectari, Tua mentis magnanimæ, &
candidi pectoris præcipua occupatio est. Ad Sa-
cri undas lavacri Præcursoris Dñi, IOANNIS No-
men, non inani omine adeptus, in id maturas ver-
tis cogitationes, ut Nomini, Virtutibus respon-
deas. Strangulati in infantilibus cunabulis, parva
teneri adhuc Alcidae manu angves, Erymantheis
apris, & formidabilibus Centauris horrorem quen-
dam incussere? Te infernalis Hydra adhuc vagi-
entem pusionem cepit metuere, in Te Baptismum
Pænitentiae deprædicaturum admirata IOAN-
NEM. Quidni metuere deberet? cum in Te re-
divivam Præcursoris Domini imaginem sperabat.
Tutelarum Tuus Divinissimus, nè levi posset ma-
culare crimine vitam, Civium turmas fugiens, te-
nebrosi petijt antra deserti! Tu juventam Tuam
omnis boni capacissimam, ut tersissimam redderes
ad innocuas Musas Parnassium petendo nemus,
properasti, ut Castalijs fontibus, omnibus aptissi-
mum literis animum lavares. Resplenduit in Te
auricomus omnigenæ Sapientiae splendor! Taceo
de inferioribus scientijs, cum per has ad altiores
ascendere, Tui animi speciosa semper & pretiosa
quærentis, indefessus conatus semper extiterit. Ex
spinis Logicalibus, vernantis honoris & emeritæ
lau-

laudis Tibi necebas, parabasq; Coronas, quibus ne
unquam marcescerent, vigorem Eurippus dabat.
Aristotelicus. Naturæ Secretarium Te commu-
nis appellabat fama, cum de rebus discurrendo cre-
atis, abscondita à multis illarum arcana, excultissi-
ma sagacissimæ mentis Tuæ acie indagasti, pene-
trasti, adaperuisti. A naturalibus tandem ad super-
naturalia, à sensibilibus ad intelligibilia, felici pro-
cessisti passu, & finitis humanioribus scientijs, Di-
vinas tractare cepisti, illi mentem Tuam consecrân-
do Doctrinæ, quæ nihil profanum, omne sacrum,
omne Divinum amplectitur. Theosophum in Te
efformans eruditum, ita de Visione DEI agebas,
ut eum semper præ oculis haberes! de Angelis
scribens, vitâ & moribus Angelus fuisti! de Pecca-
tis bene Tractatum tractasti, nè illis Divinum Numen
malè tractares! de Virtutibus Doctrinam maximè
amasti, quam toto vitæ tractu observas, Docta.
cum fueris eruditæ Palladis progenies, æquo polli-
ce cuncta vibrantem adamasti Astræam, verus illius
Cultor, nam & ex asse illius sancitorum justus De-
fensor. Cæleste hoc Numen, gemmeo respersam
sudore frontem Tuam, non absq; digno manere
voluit coronamento! gemina in lure Vtroq; eam
præcinxit & ornavit Laurus; ut in Te acerrimum
Æquitatis Custodem & Propugnatorem nancisce-
retur. Sceptringera Cracij Heliconis Pallas, doctis
Capitibus, quarto jam seculo, immarcescibiles im-
pertiens Laurus, frontem Tuam eruditam mille
dignam Coronis, viridi Divæ Themidos exorna-
vit Corymbo, ut benè eidem Pontificiæ adhære-
rent Tiaræ. Noluisti sub exotico Sole, sed in Pa-

trio tantum solò, hæc doctarum quærere præmia frontium, quibus conspicuus Cracij Parnassi vertex abundans, ut & terris, & Cælo arrideat, eas non Candidatis ad Infulas tantum, sed & Candidatis ab beatam illam Regionem impertitur, ut cum ijs ad Thronum Immaculati Agni compareant. Apollineo redimitum Sertò Caput Tuum, & ternæ quoq; aureæ exambivère Coronæ, Sacro *Per-augusti Capituli Cracoviensis* annumeratus Collegio, gemma annulo, fidus Cælo infereris, & lucerna Virtutum lumine ardens, aureo Ecclesiæ hujus imponeris Candelabro. Quærant alij titulos, non quærantur ab illis; alij ut emineant, per collaterales lineas suffragia venentur, hæc amplissima Domi Tuæ parata, Te ad summum Culmen honorum, sublimare contendunt. Omnium applaudentibus Votis *Archidiaconus Cracoviensis* proclamaris. Oculus sis Amplissimæ Diœceseos, ipse elegantissimarum mentium pupilla. Non tam à recepto Magistratu ornaris, quam magis collatum honorem. Te ipso ornas. Tempia Dijs Sacrata, quo animò? quâ sollicitudine? quò labore visitas? effectus testimonium præbeat. Iuppiter Omnipotens, semel tantum in Mydæ avari laribus hospes Visitator, domum quam incoluit, auream effecit? Tu in Parochialium Ecclesiarum visitatione, tot annos emensus, quoties eas visitasti, toties aureas effecisti, Spiritu Domini plenus, antiquarum legum rigorem & vigorem, in illis conservando, Cultum Superum promovendo, cuncta in pietate, DEI & proximi charitate, solidando. Vt Vinea CHRISTI & multis, & doctis abundaret operarijs; diligenti at-

ten-

tendis animo : neminem ad Sacros Ritus accedere vis, quem morum elegantia, innocentis vitae probitate, & doctrinae tandem sufficientis decore circumornatum non videas. Super Tribunali Iustitiae Sacrae sedens multoties *Judex Surrogatus*, semper DEVM praë oculis habes: tam aequitati adglutinator manes, ut ab ea non te personarum dignitas, non causae faventium ratio, unquam avellere possint. Areopagum Tuum solae Virtutes amant, vitia formidant, justam Nemesein certò à Te expectantia. Et cum sis detestandis tam metuendus sceleribus, nulli non amabilis esse videris: procul à Te arrogantia omnis, procul fastuosae mentis elatio, procul animi perversi dolus, omnibus Te affabilem, candidum, accessibilem exhibes. Tantis Virtutibus eminens, ferventi in Superos pietate eminentissimus esse censeris. Nil Tuo animo Caelestibus rebus immerso, magis jucundum & acceptabile est, quàm dies, horas, imò momenta Vitae Tuae Divinis consecrare rebus, & devota mente in terris, supernis occupari negotijs.

Hac amplissima Virtutum Apia ad Sacrum ac Nobile Pontificij Honoris Palanteum hodie advenisti. Recipis bicornem Infulam, & Pastorale pedum, actionum immortalium & excellentium meritorum Tuorum luculenta testimonia. In Templum Praesulei Honoris, omnis sanctitatis, pietatis, iustitiae, Sacrarium ascendis, non laureatos fauces, non opima ex hostibus devictis spolia ambitiosè ostentans, sed heroicis rectefactis circumfulgēs. Progredieris felici passu, ad culmen destinatae Tibi ab Alto dignitatis, non albescentibus vectus quadri-

gis, sed bonis honorificè Te prosequentibus Votis & acclamationibus. Adest ad Tui triumphi hodierni pompam Divus ADALBERTVS Martyr, intra sui solennia Festi gaudet *Archipræsul* novo Antistite, Primas Regni, novo Senatore, in Te adauctus. Cruce quam manu gestat, suam Tibi NeoPontifici impertitur benedictionem, remis sacro suo tinctis cruore, ad optatum dignitatum promontorium, faustum navigium pollicetur. Ad Tuæ felicitatis auctoramentum Tiaratum assurgit Caput, *Celsissimus, Illustrissimus & Reverendissimus Dominus CASIMIRVS à Lubna LUBIENSKI, Episcopus Cracoviensis, & qui* Tua tempora liliatis suis manibus, primâ *Kijoviensi* coronat Vittâ, primas Tibi in Regno Infulas candido precari pectore non desinit. Purpureum Tibi spondent ad altiora iter, gratum semper Patriæ spirantes odorem SZEMBECCIANÆ Rosæ. Adaugent Tui Solemnia honoris, *Ternæ Peraugusti Vavelli Coronæ, & Te cingentes, licet magnopere doleant, Te gemma inæstimabili privari, festivas tamen in gratulationem ingeminare voces non negligunt.* Approperat festino passu etiam per me suum Canonicum *Cathedra Diœcesis Kijoviensis, & cum in Te sibi tantum Præsulem gratulatur, in spes erigit animum meliores, quod sub Te Vigilantissimo Sacrorum Præside, Divorum Aris, & Clero pristinus honos redibit.* Circumstat Te tam ornatissima, quam numerosissima Illustrissimi Sangvinis Tui, Consanguineorum, Affinium, Amicorum caterva, & sicut amantia pectora, in festiva tripudia laxant, ita fortunatis ut abundes successibus precantur. Ea debitæ Venerationis & gratulationis

ne-

necessitudine obstricta Illustrissimo Nomini Tuo
Grandæva illibatæ Fidei Mater, Studiorum Re-
gni operosa Magistra, Alma Universitas Cracovi-
ensis, in hoc Tui Honoris Festo, ut Tibi obviam it,
ita laureatos Tibi submittens fasces, in festivas sol-
vit ora acclamationes, ingeminans; Præsulum
gemma, Cultor literarum, & literatorum, Pastor
zelô DEI, flagrans *Vive diu felix*. Non ancipiti illa
spe, fortunam suam metitur, certa existens, quòd
Tu Omnipotentis DEI dexterâ in sublime Hono-
ris cùm eveharis Apogæum, eam insigni & præ-
clara autoritate Tua, ab ingruentibus casibus il-
læsam fovebis, conservabis. Illa quantum studium,
quàmq; fidele Patrocinium, in tuenda sua digni-
tate experietur, tantùm ardentibus votis & pijs
supplicationibus, apud Divinum Numen, & Aras
Divorum suorum Tutelarium adlaborabit;
ut Tua Gentilitia *Ascia*, quàm diutissimè, vel
in perpetuum nuncupetur,
Gloriæ & Honoris
Architecta.





XX. 1. 26

Biblioteka Jagiellońska



stdr0021948

